

Za
Roditelje/staratelje učenika 6. razreda
osnovne škole i laponske škole
ili 7. razreda škole za djecu sa posebnim potrebama

Nacionalni ispiti

Pozdrav!

Ovo je pismo koje ste dobili jer ste roditelj i/ili staratelj učenika koji će u vrijeme školske godine polagati nacionalne ispite iz predmeta engleski, matematika, švedski i švedski kao drugi jezik.

Zašto učenici polažu nacionalne ispite?

Učenici 6. razreda osnovne i laponske škole i učenici 7. razreda škole za djecu sa posebnim potrebama polažu nacionalne ispite. Nacionalni ispiti trebaju pomoći da se sprovede ravnopravna i pravedna procjena znanja učenika. Ispiti će pomoći nastavnicima u procjeni znanja učenika u poređenju sa zahtijevanim znanjima iz nastavnog plana i programa.

Nekoliko univerziteta u zemlji razvija i pravi ispite po nalogu Zavoda za školstvo (Skolverket). Zadaci sa ispita su testirani u mnogim školama širom zemlje. Učenici i nastavnici imali su priliku dati svoje stavove koji su uzeti u obzir prilikom sastavljanja ispita.

Polazne tačke za određivanje sadržaja i pripremu ispita jesu nastavni planovi ovih predmeta. Međutim, nije moguće provjeriti sve iz nastavnog plana i programa predmeta na jednom ispitu. U tom slučaju, ispit bi bio previše opširan.

Nacionalni ispiti ne polaze od određenog načina rada ili posebnih nastavnih sredstava. Na ispitima učenici mogu pokazati svoje znanje na više načina.

Kada će se održati ispiti?

Nacionalni ispiti se sastoje od različitih dijelova ispita. Usmeni dijelovi ispita se provode u tijeku jesenskog polugodišta, od 45-49. Sedmice. Škola odlučuje o tačnom vremenu kada će učenici raditi ispite. Pismeni dijelovi ispita se provode u proljetnom polugodištu na određene datume koje daje Skolverket. Ispiti su obavezni.

Kako se ocjenjuju ispiti?

Nastavnik će se pridržavati postojećih detaljnih smjernica za ocjenjivanje nacionalnih ispita. Kasnije, pri vršenju opće procjene, kod ocjenjivanja učenikovog znanja iz jednog predmeta, nastavnik uzima u obzir i rezultate ispita.

Prikupljanje rezultata

Zavod za školstvo u saradnji sa Centralnim zavodom za statistiku (Statistiska centralbyrån - SCB) prikuplja rezultate ispita. Sakupljanje rezultata ispita je neophodno za procjenu po školama, ali i za analizu rezultata u zemlji, u općinama i kod nadležnih organa nezavisnih škola.

Matematika

Nacionalni ispit iz matematike sastoji se od različitih dijelova ispita sa pisanim zadacima koje učenik individualno rješava i usmenim zadacima koje učenici rješavaju u manjim grupama. U pisanim i usmenim zadacima, učenici imaju priliku pokazati da mogu objasniti i argumentirati na koji način razmišljaju matematički.

Švedski i švedski kao drugi jezik

Nacionalni ispit je zajednički za oba predmeta švedskog jezika i sastoji se od nekoliko ispitnih dijelova. Postoje zadaci koje učenici rade pojedinačno i koje rade u grupi. Učenici kroz različite zadatke imaju priliku pokazati svoje znanje govora, razgovara, čitanja i pisanja.

Engleski

Nacionalni ispit iz engleskog jezika sastoji se od nekoliko dijelova. Kroz različite zadatke ispita, učenicima se daje mogućnost da demonstriraju svoju sposobnost da koriste engleski jezik u govoru i pisanju i svoju sposobnost da razumiju engleski jezik kada ga slušaju i čitaju.

Gdje se može naći više informacija?

Više informacija o nacionalnim predmetnim ispitima nalazi se na web mjestu Zavoda za školstvo

www.skolverket.se/bedomning

Tu postoje i linkovi za primjere zadataka s ispita.

Kontaktirajte Zavod za školstvo

nationellaprov@skolverket.se